



**Comune di Cabras**  
*Comuni de Crabas*

**REGULAMENTU APIZTUS DE SA COLLABORATZIONI INTRA DE  
IS TZITADINUS E S'AMMINISTRATZIONI PO ATENDI,  
MANIGIAI E TORRAI A NOU IS BENIS COMUNIS**

# REGULAMENTU APIZTUS DE SA COLLABORATZIONI INTRA DE IS TZITADINUS E S'AMMINISTRATZIONI PO ATENDI, MANIGIAI E TORRAI A NOU IS BENIS COMUNIS

## Somàriu

TÌTULU 1.	DISPOSITZIONIS GENERALIS .....	1
1.	Punnas .....	1
2.	Definitzionis .....	1
3.	Patu de collaboratzioni tzìvica .....	1
4.	Fainas prevididas in su patu de collaboratzioni .....	2
TÌTULU 2.	PROTZEDURAS PO ATIVAI IS PATUS DE COLLABORATZIONI .....	3
5.	Patu de collaboratzioni tzìvica firmau po iniziativa de su Comuni. ....	3
6.	Patu de collaboratzioni tzìvica firmau po iniziativa de is tzitadinus .....	4
TÌTULU 3.	FORMAS DE AGIUDU PO ESECUTAI IS PATUS.....	4
7.	Sustènniu deretu .....	4
8.	Esentzionis e ajudus.....	5
TÌTULU 4.	COMUNICATZIONI, TRASPARENZIA E VALUTATZIONI .....	5
9.	Arreconoscimentus e formas de publitzidadi .....	5
TÌTULU 5.	ÀTERAS DISPOSITZIONIS .....	6
10.	Prevenimentu de is arriscus.....	6
11.	Contziliatzioni .....	6

# TÌTULU 1

## DISPOSITZIONIS GENERALIS

### Art 1 Punnas

Custu Regulamentu dissiplinat is formas de collaboratzioni tzìvica intra de s'Amministratzioni comunali e is tzitadinus po atendi, manigiai e torrai a nou is benis comunis.

Is fainas pertocant su cuntestu urbanu, ambientali, paesagìsticu e sòtziu-culturali de su comuni de Crabas.

### Art. 2 Definitzionis

Si bolit nai po:

- a) Benis comunis: is benis, materialis o immaterialis inclùdius in su patrimoniu comunali o chi cumentisiat sunt de cumpetèntzia de su Comuni chi ddus torrat disponibili.
- b) Tzitadinus ativus: totu is sugetus solus o aunius is formas de assòtzius chi bolint cumentzai una forma de collaboratzioni tzìvica po pònniri in atu is interventus prevididus de custu regulamentu.
- c) Patu de collaboratzioni tzìvica: su patu chi su Comuni e is tzitadinus ativus faint po cuncordai s'àmbitu e sa manera de fai is fainas de collaboratzioni tzìvica.

### Art. 3 Patu de collaboratzioni tzìvica

Su Patu, chi mudat po sa difficultadi de is interventus e sa durada de sa collaboratzioni, depit pretzisai:

- Is punnas e sa durada de sa collaboratzioni;
- Sa manera de fai is atividadis, su rolu e s'impinniu fintzas econòmicu de is sugetus imputaus a pari;
- In cali manera is persones ant a gosai de is benis ogetu de su patu;
- Is responsabilidadi po is dannus chi podint acuntessi a persones o cosas in s'interis chi si faint is interventus, fintzas po su chi pertocat is normas in matèria de siguresa in is logus de traballu;
- Is formas de agiudu po acumpri is interventus, postas a disponimentu de su Comuni;
- Is fiantzas a su Comuni in casu chi is interventus siant fatus mali o a manera faddida cunforma a su chi est pretzisau in su patu;
- Cumenti fai publitizidadi a su patu;

- Is maneras de averigui is fainas fatas, de atzertai e rendicontai is risorsas finantziàrias imperadas;
- sa gestiuni de is brigas e de is arrexonis de decadèntzia de su patu o de sa bogadura de calchi tzitadinu chi no at arrispetau su patu;
- is conseguèntzias giurìdicas a s'acabbu de sa collaboratzioni, cumentis a sa titularidadi de s'òpera e su de torrai a cunsinniai is benis;

#### **Art. 4 Fainas e interventus prevididus in is patus de collaboratzioni**

Is interventus pretzisaus in su Patu depint tènneri sa punna de:

- ammellorai sa vivibilidadi e sa calidadi de is logus urbanus o periurbanus assigurendi-si chi totus ndi potzant gosai
- integrai is istandard de calidadi assiguraus de su Comuni;
- torrai a nou benis pùbbricus, logus e benifirmus.

Non si podint fai interventus chi non permitant a totus de gosai de is benis o chi portint giuamentus econòmicus deretus e non, a is sugetus chi ant firmau su Patu.

Is interventus prevididus in su Patu podint èssiri acumprius a manera dereta, tènnica, pràtica e finantziària..

Po mellus acrariri, podint èssiri ogetu de su Patu de collaboratzioni, custus interventus (ma si ndi podint aciungi fintzas àterus):

- atendi, achistiri, limpiari, is àreas birdis, moris e gurtunius, marciapais, pistas po passai a bicicleta, is àreas de su mercatu, àteras àreas pùbbricas;
- atendi, achistiri, limpiari is benifirmus de su Comuni comentis a istruturas sportivas, iscolàsticas, chi benint imperadas po fai festas o eventus culturalis, e àteras istruturas pùbbricas a su cobertu;
- àterus interventus po torrai a nou su beni pùbbricu;

Candu is interventus po regenerai is benis sunt de importu mannu, tocat a sighiri sa normativa vigenti po su chi pertocat is requisitus e sa calidadi de is operatoris econòmicus e sa progetatzioni, esecuzioni, collàudu de is òperas pùbbricas.

Candu is interventus tenint abisòngiu de autorizatzionis, permissus o àterus parris, sunt sutapostus a is autoridadis competentis. Totus is protzeduras is autorizatzionis o permissus netzessàrius sunt a càrrigu de su Comuni.

Non si podint fai is atividadis de custu Patu ainturu de cantieris pùbbricus o privaus chi s'agatant giai.

Is fainas acumpridas de is tzitadinus esecutendi su chi narat su Patu, non cumportat su de costituirì unu raportu de traballu cun su Comuni e nimancu de parti de su Comuni unu raportu de commitèntzia cun is matessis sugetus.

In is casus prevididus de sa lei, custus interventus podint èssiri fatos in logu de penas detentivas e de dinai o podint èssiri ogetu de progetus de servitziu tzìvili. .

## **TÌTULU 2 PROTZEDURAS**

### **Art. 5 Ativatzioni de su Patu de Collaboratzioni**

Sa Giunta Comunali scerat is àreas e is benis pùbbricus pruscatotu cussus chi non sunt imperaus e chi, po comentì sunt postus, po is carateristicas istruturalis e is funtzionis issoru si imprestant a interventus de mantenidura, e a su de èssiri atèndius e torraus a nou.

Candu si firmat su patu de collaboratzioni, si detzidit cantu at a durai su programma chi peroa non podit andai a innantis prus de 5 annus e podit èssiri rennovau.

### **Art. 6 Patu de collaboratzioni tzìvica fatu po iniziativa de su Comuni.**

Su Comuni cun Deliberatzioni de Giunta scerat is benis ogetu de sa proposta de Patu de collaboratzioni, scerat is lineas de indirtzu po cumentì ddus atendi e po cumentì si ndi incurai , detzidit formas de agiudu si sunt netzessàrias e inditat s'ufitziu cumpetenti po sa fasi de esecuzioni de su Patu.

S'ischema de Patu de collaboratzioni tzìvica est aprovalu de sa Giunta Comunali. Sa deliberatzioni de Giunta Comunali est pubbricada in una setzioni dedicata de su giassu istituzionali, cumentì benit nau in s'art. 10, po 15 diis de sighida po permitiri chi totus is sugetus interessaus potzant espressai su parri issoru. Si intru de is 15 diis de pubbricatzioni no arribant osservatzionis, insaras s'ischema aprovalu est de cunsiderai definitivu, asinunca s'at a dèpiri fai una valutatzioni noa e apustis una aprovatzioni noa.

Su Responsàbili cumpetenti pùbbricat unu avisu po presentai is propostas de collaboratzioni. S'avisu pretzisat is rechisidus netzessàrius po si candidai, is tèrminis e sa manera de intregai sa proposta, e cumentì ant a èssiri valoradas.

S'avaloramentu de is propostas arribadas, ddu fait su responsàbili de s'ufitziu cumpetenti chi, si ddu at genti meda chi bolit pigai parti, espressat su giuditziu tènnicu suu apitzus de is propostas. Su Responsàbili podit fintzas fai de medianeri cun is chi ant pigau parti a s'avisu, proponendi de fai is interventus a manera aggregada in unu Patu Ùnicu de collaboratzioni tzìvica.

Su Patu de collaboratzioni tzìvica est sutascritu de su Responsàbili de su servìtziu competenti e de su tzitadinu o rapresentanti de s'assòtziu chi fait sa rechesta.

### **Art. 7 Patu de collaboratzioni tzìvica fatu a iniziativa de is tzitadinus**

Is tzitadinus chi bolint fai interventus chi pertocant custu Regulamentu intregant a su Comuni sa proposta po firmari su Patu. Sa proposta depit arribai a s'Amministratzioni acumpangiada de sa documentatzioni chi serbit a nai a fueddus a manera crara e pretzisa sa natura, tipologia e modali dati de s'interventu presentau.

Sa proposta est sutaposta a valutatzioni de coerèntzia tènnica e giurìdica segundu custu Regulamentu.

In casu de resurtu a favori sa Giunta Comunali aprovat su schema de Patu de collaboratzioni tzìvica de sutasciriri.

Sa deliberatzioni de Giunta Comunali est pubricada in una setzioni dedicata de su giassu istituzionali comenti est scritu in s'art. 10 po dexi diis de sighida po permitiri a is sugetus interessaus de presentai is parris e disparris issoru. Si intra de custa simana non arribant osservatzionis, insaras s'ischema est de considerai definitivu, asinuncas at a èssiri netzessàriu protzedi cun una valutatzioni noa.

Su Patu de collaboratzioni tzìvica est sutascritu de su Responsàbili de su servìtziu cumpetenti e de su tzitadinu o rapresentanti de s'assòtziu chi fait sa rechesta.

## **TÌTULU 3**

### **FORMAS DE SUSTÈNNIU PO ESECUTAI IS PATUS**

#### **Art. 8 Sustènniu deretu**

Is atividadis fatas executendi su patu de collaboratzioni tzìvica sunt consideradas de interessu pùbblicu.

S'Amministratzioni non podit giai cuntributus deretus in dinai si no in is casus prevididus de sa lei e de is normas de su Comuni, a favori de is sugetus chi ant sutascritu su Patu.

S'Amministratzioni podit:

- furniri materiali de consumu e dispositivus de amparu e de imperai a indonu is benis chi serbint po fai is interventus prevididus in su Patu;

- prevediri de interessai su personali tènnicu comunali in is atividadis de progetzioni, programazioni e esecuzioni de is interventus;
- assigurai s'assigurazioni de is privaus po is infortùnus e sa responsabilidadi tzivili cara a tertzus acapius a su fai is atividadis ogetu de su Patu.

### **Art. 9 Esentzionis e agiudus**

Sunt esentadas de su pagamentu de su solu pùbblicu is atividadis chi tenint sa punna de boddiri dinai po finanziaia is fainas prevididas in su Patu de collaborazioni, candu sunt iniziativaas ocasionalis e fatas candu ddu at festas, manifestazioni, eventus cun patrociniu de su Comuni.

Is patus de collaborazioni gosant de facilitazioni in is protzeduras po su chi pertocat is adempimentus chi is tzitadinus sustennint po àiri permissus e autorizazioni.

## **TÌTULU 4**

### **COMUNICAZIONI, TRASPARENZIA E VALUTAZIONI**

#### **Art. 10 Arreconoscimentus e formas de publizidadi**

Su Patu de collaborazioni tzivica, po giai, in s'interessu de totus, visibili dadi a is atzionis fatas de is tzitadinus ativas, podit prevediri formas de publizidadi comenti a su de pònniri targas de informatzioni, e logus dedicaus a is istrumentus de informatzioni. S'arreconoscimentu pùbblicu tenit sa punna de testimoniai s'impinniu tzivicu e bolit èssiri strumbulu a s'ispainadura sua.

Su Comuni po afortiai sa collaborazioni cun is tzitadinus, imperat totus is canalis de comunicazioni chi tenit a disponimentu po fai connòsciri a sa tzitadinàntzia custas iniziativaas.

S'Amministratziuni pùbblicat in una setzioni dedicata de su giassu is avisus e is novas chi pertocant is patus, po cuntentai is esigèntzias de informatzioni pùbblica e trasparèntzia.

Sèmpiri in sa matessi setzioni su Comuni pùbblicat annu po annu is datus e is arresultaus de is atividadis fatas.

## TÌTULU 5

### ÀTERAS DISPOSITZIONIS

#### **Art. 11 Preventzioni de is arriscus**

A su Patu de collaboratzioni tzìvica si depit alliongiari una valutatzioni de is arriscus operativus possìbilis po su chi pertocat is atividadis e is logus.

Is chi sutascrint su patu depint imperai a manera giusta is dispositivus de amparu individuali e arrispetai is prescritzionis de is arriscus possìbilis. In ònnia manera, ddui depit èssiri unu Responsàbili de sa siguresa.

#### **Art. 12 Arrisolti is brigas**

Si nascint brigas intra de is partis, si podit fai una tentada de contziliatzioni innantis a unu comitau de tres membrus; unu nominau de is beneficiàrius de su patu, unu de su Comuni e unu de ambadus.

Custu Comitau intra de trinta diis intregat a is partis una proposta de contziliatzioni, chi non est vinculanti.

Si non si arribat a unu acòrdiu sa briga at a èssiri denunziata a sa autoridadi giuditziària de cumpetèntzia